



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 37. Quid circa benedictionem, consecrationem, pollutionem Ecclesiae.

urn:nbn:de:hbz:466:1-42624

torium, nec deputatur ad usus sacros, *Lugo* dub.

13.

§. 16. Quamvis non præjudicet Juri parochialis Ecclesiæ, si in oratorio privato cantetur Missa solennis, tamen ob rei novitatem putat *Heno* Parergo 27. id non videri esse faciendum sine licentia Ordinarii.

Q. 7. Quid addendum sit circa benedictionem, consecrationem & pollutionem Ecclesiæ. R. seqq.

§. 1. Benedictio Ecclesiæ committi potest simplici Sacerdoti, sed consecratio perfecta fit à solo Episcopo, hinc Episcopus non potest simplici Sacerdoti licet in dignitate constituto committere consecrationem vel reconciliationem Ecclesiæ pollutæ, etiamsi aqua ab Episcopo esset benedicta, uti statuitur Cap. *Aqua.*, De consecr. Eccles. & Altar. ubi *Greg. IX.* contrariam consuetudinem vocat corruptelam, datque causam, quia licet committere possit simplici Sacerdoti ea, quæ sunt jurisdictionis, non tamen, quæ sunt Ordinis Episcopalis. Potest tamen Papa consecrationem Ecclesiæ committere simplici Sacerdoti, quia hoc est tantum ex institutione Ecclesiæ annexum Ordini Episcopali. Notat autem rectè *Pasq.* q. 271. Missam Dedicationis legi non posse, nisi Ecclesia sit consecrata.

§. 2. Docent *Castrens.* *Rodriq.* *Sylv.* invalidè consecrari Ecclesiam ab Episcopo hæretico aut excommunicato vitado, quia sunt extra Ecclesiam, sed probabilius contradicunt *Laym.* & alii cum *Heno*, quia non obstante, quod sint extra Ecclesiam, validè baptizant & consecrant Corpus Christi, ergo etiam Ecclesiâ. Addit *Heno* cum communissima recentiorum contra anti-

antiquos nequidem cenferi debere ideo pollutam, ut nec polluta est, si in ea celebret degradatus, cum nec ideo polluantur vestes sacrae vel altaria, cap. *Anobis* 2. De Sacram. non iterandis.

281. §. 3. Probabilius est ecclesiam per hoc non esse consecratam, quod in ea oblatum sit Sacrificium, alioquin omne oratorium, in quo esset celebrata Missa, hoc ipso esset consecratum, & hoc ipso, quod semel iterum esset celebratum in ecclesia publice polluta, non esset opus nova consecrationem, *Gob. t. 3. n. 366. Pasq. q. 509. 526. Verjuys t. 8. a. 6. contra Dianam p. 5. t. 13. R. 60. & p. 9. t. 7. R. 18. quæ magis confirmantur ex dicendis n. 352.*

282. §. 4. *Gob. in app. 1. ad n. 265. lit. H. dicit ecclesiam pollui per actionem lethiferam, quando nimirum alicui existenti in ecclesia infertur vulnus lethale, ex quo debeat ibi vel alibi mori, esto in ecclesia non effundat sanguinem, dummodo illa actio lethifera fuerit mortaliter injuriosa: Et consentit Delb. De immun. eccles. c. 2. d. 2. f. 1. n. 2. & 50. citans pro se alios 15; addit tamen non esse improbabile, quod requiratur sanguinis effusio in ecclesia, quia Jus Canonicum hoc dicit, & materia est odiosa.*

283. §. 5. Si perturbator Reipubl., quia aliter tolli & alibi capi non potest, occidatur in loco sacro, hic locus non ideo polluitur, quia ob necessitatem prudenter præsumitur consensus Ecclesiæ, *Sa, Henriq. Delb. Passer. Busenb. supra, Henao Parergo 26. contra Fagund. & Dianam p. 6. t. 1. R. 35.*

284. §. 6. Si hostia consecrata perfoderetur, ita ut copiosus inde sanguis efflueret, non ideo pol-

pollu
fluen
non
Cor
Imò
tui, e
luere
nao c
§.
& eff
semp
senb.
Sanc
mine
& pa
mura
in'Ec
§.
hære
tholi
nam
viola
§.
sepul
sepul
tem i
paren
q. 58
pultu
infid
infar
Tabi
Az. l
Amic
Pasq

pollueretur Ecclesia, tum quia humor ille effluens non esset verus sanguis, tum etiam quia non effunderetur ex corpore hominis, cum Corpus Christi ibi sit impassibile, *Passer. Henao.* Imò si quis perfoderet cadaver hominis mortui, ex quo effunderetur sanguis, non ideo pollueretur Ecclesia, uti habet communis cum *Henao* contra *Silv. Bachon.* & *Sa v. Ecclesia* n. 13.

§. 7. Quamvis in sacristia facta sit percussio, 285.
& effusio sanguinis fiat in Ecclesia, non ideo semper violatur Ecclesia, uti præter *Lugo* & *Busenb.* tenent *Laym.* l. 5. t. 5. c. 5. n. 7. *Gob. litt. L. Sanch. De Matr.* l. 9. d. 15. n. 31., quia hic nomine Ecclesiæ intelligitur, quod est intra tectum & pavementum ipsius, unde si sacristia proprio muro dividatur, percussio non censebitur facta in Ecclesia.

§. 8. Licitum est celebrare in Ecclesia, in qua 286
hæretici sua sacra habent & sepeliuntur, si Catholicis non permittatur celebratio aliis locis, nam sepultura hæretici non denunciati non violat Ecclesiam, *Verj. a. 9. Gob. litt. I.*

§. 9. Probabile est Ecclesiam non pollui per 287.
sepulturam Catechumeni, uti nec polluitur per sepulturam dubiè baptizati, *Gob. litt. K.* Si autem in Ecclesia sepeliatur non baptizatus infans parentum infidelium, communis est cum *Pasq. q. 582.* pollui, quia Jura dicunt pollui per sepulturam infidelis, talis autem infans censetur infidelis in professione parentum. Quod si sit infans fidelium, pollui affirmant *Gloss. Hostiens. Tabien. Arm. Angel. Rodriq. Piasec. Suar. Avila. Az. Fagund. Regin. Laym. Côn. Castrop. Less. Dicast. Amic. uterq; Lugo, Quarti, Delb. & alii,* quos citat *Pasq. q. 584.* quia talis infans est infidelis saltem
nega-

negativè: Negant pollui *Palud. Sayr. Ugol. Pax-
jord. Bordon. Ann. Pass. Pasq.*, & probabile dicit
Gobat. litt. I., tum quia infantes non baptizati
censentur tales, quales sunt parentes, tum etiam
quia Jura odiosa intelligi debent de illo, qui
positivè est infidelis saltem professione paren-
tum, & quandoque nominatur paganus, paga-
nus autem est, qui professione est infidelis. Et
idem dicit *Passer.*, si saltem unus parentum sit fi-
delis, imò etiam quando dubitatur de hujus pa-
rentis fide; sed in hoc postremo contradicit
Pasq. Saltem talis infans sepeliri non debet in
loco sacro sepulturis fidelium destinato, sed in
loco diviso à cemeterio per murum vel sepem
interjacentem, uti habet consuetudo.

288. §. 10. Ecclesia polluitur per emissionem
mortaliter peccaminosam seminis, sive mulie-
bris, sive virilis, non tamen per emissionem
menstruorum, seminis corrupti vel similium,
nec per distillationem. Et requiritur copia se-
minis, alioquin non dicitur effusio, *Pasq. q. 570.*

289. §. 11. Si effusio sanguinis aut seminis non
sint publicè notoria per evidentiam facti aut
per Juridicam confessionem, ita ut inducta sit
opinio communis de maculata sanctitate Ec-
clesiæ, hæc censi non debet polluta, *Pasq. q.
502. Gob. litt. G. Verj. t. 8. a. 9.* Hinc Sacerdos
sciens ex confessione, quòd in Ecclesia contin-
gant pollutiones, imò & Sacerdos, qui in ea
commisit, potest pergere in ea celebrare, *Pasq.
q. 597.*

290. §. 12. *Henao Parergo 24.* docet, si crimen,
ob quod, si ab initio fuisset notorium, polluta
esset Ecclesia, priùs innotescat etiam post 50.
annos, tum Ecclesiam pollui: è contrà *Mascaren.*

putat

putat pollutionem aboleri, si crimen maneat occultum per tres vel quatuor menses, sicut *Cap. Prætereā*, 2. De Clerico percussore dicitur, Episcopum non esse irregularem, ex cuius mandato cæsa mulier post 8. menses obiit, putantque probabiliter *Pax-jord.* & *Passer.* De pollut. *Eccles.* d. 5. c. 6. n. 5. si fidelium scandalum vel sublatum vel temperatum sit ex longi temporis lapsu, tunc ex facti circumstantiis posse prudentem Episcopum arbitrari Ecclesiam non esse pollutam.

§. 13. Si solum tectum cum fornice sit destructum, non desinit consecratio, sed si etiam paries unus sit destructus, videtur desinere, quia de Ecclesia, quæ tectum amiserat, dicitur *Cap. Ligneis*, De consecrat. *Eccles.*, quod non amiserit consecrationem, *cum parietes in sua integritate manserint*, ergo cum ablato uno pariete parietes non manserint in sua integritate, perit consecratio, quia nempe perit forma veri templi, quod constare debet quatuor parietibus, *Pasq.* q. 537. n. 3. Docet tamen *Pax-jordan.* manere consecrationem, si tantum modica pars cum tecto perierit, sed intelligi debet, si sit tam modica pars, ut moraliter censeatur manere etiam iste paries. Per dealbationem etiam totius Ecclesiæ non perit consecratio.

§. 14. Per hætenus recensita polluitur vel exsecratur sola Ecclesia strictè dicta & non quivis locus sacer; per Ecclesiā enim intelligitur locus communis ab Episcopo consecratus vel benedictus, *Suar. Lugo* De Euch. d. 20. n. 59. *Gob. Litt. E.* Putat tamen *Laym.* etiam pollui illam, quæ per Episcopum est deputata ad officia divina, v. g. per solam erectionem Crucis. Addit

Tom. VI.

L

Gob.

Gob. Litt. T. illicitè deponi beanos in aulis Gymnasii in quibus quotidie legitur Missa.

293. §. 15. In dubio, an polluta sit Ecclesia, habenda est non polluta, quia possessio est pro illius sanctitate, *Pasq.* q. 502. Si autem aliqui asserunt, alii negent esse pollutam, standum est iudicio Episcopi, qui si toleret, hoc ipso tollit pollutionem, *Pasq.* q. 598.

294. §. 16. Pollutâ Ecclesiâ etiam pollutum est cœmeterium, sed polluto cœmeterio non ideo est polluta Ecclesia, Gob. Litt. K.

295. §. 17. Aliqui putârunt Ecclesiam violatam reconciliari substantialiter per Sacrificium in ea post violationem, etiam malâ fide celebratum, attamen indigere reconciliatione rituali, antequam in ea licitè celebretur, *Pasq.* q. 509. Imò *Sa, Gob.* & alii cum eodem *Pasq.* q. 526. videntur dicere non peccari, si celebretur in ea non reconciliata ritualiter, sed secundum dicta n. 281, probabilius est non ideo reconciliari, quod in ea celebretur etiam bonâ fide, & consequenter illicitum erit in ea ritualiter non reconciliata celebrare.

296. Q. 38. Si destruat^{ur} Ecclesia, quid fieri debeat de lignis, lapidibus, fundo &c. §. 1. Cap. Ligna, De consecr. dist. 1. sic habetur, ligna Ecclesiæ dedicata non debent ad aliud opus jungi, nisi ad aliam Ecclesiam, vel igni sunt comburenda, vel ad prosectum in Monasterio Fratibus: in laicorum opera non debent admitti: Hoc est, uti explicat *Azor* p. 2. l. 9. c. 3. q. 11. Si Ecclesiæ destruantur, ligna & lapides converti nequeunt ad privatos laicorum usus, quamvis, ut *Gloss.* ad Cap. Quæ semel, ex huiusmodi lignis & lapidibus construi possit dormitorium vel capitulum Religiosorum, quod vocant